

九溪十八涧

九溪在烟霞岭西，龙井山南。其水屈曲洄环^①，九折而出，故称九溪。其地径路崎区^②，草木蔚秀^③，人烟旷绝^④，幽阒^⑤静悄，别有天地，自非人间^⑥。溪下为十八涧，地故深邃，即缙流^⑦非遗世绝俗^⑧者不能久居。按志，涧内有李岩寺、宋阳和王梅园、梅花径等迹，今都湮没^⑨无存。而地复辽远，僻处江干^⑩，老于西湖者^⑪，各名胜地寻讨^⑫无遗，问及九溪十八涧，皆茫然不能置对。

【注释】

①洄环：水流回环。

②崎区：同“崎岖”。路不平貌。

③蔚秀：繁茂。

④人烟旷绝：杳无人烟。

⑤幽阒（qù去）：幽寂。

⑥别有天地，自非人间：唐李白《山中问答》诗：“问余何事栖碧山，笑而不答心自闲。桃花流水杳然去，别有天地非人间。”

⑦缙流：僧人。

⑧遗世绝俗：遗弃世务，断绝俗念。

⑨湮没：埋没、没灭。

⑩江干：江边。干，水边。

⑪老于西湖者：对西湖非常熟谙的人。

⑫寻讨：寻求，谓游览。

李流芳《十八涧》诗：己酉始至十八涧，与孟阳、无际同到徐村第一桥，饭于桥上。溪流淙然，山势回合，坐久不能去。予有诗云：“溪九涧十八，到处流活活。我来三月中，春山雨初歇，奔雷与飞霰，耳目两奇绝。悠然向溪坐，况对山嵯岈^①，我欲参云栖^②，此中解脱法。善哉汪子言，闲心随水灭。”无际亦有和余诗，忘之矣。

【注释】

①嵯岈（cuó niè 嵯涅）：山高貌。

②参云栖：到云栖去朝参。